


MEMORIAM
ILLUSTRIS MATRONÆ
DN.
**DN. URSULÆ
CATHARINÆ,
NATÆ KREISELWITZIÆ,
CONJUGATÆ ZESCHWITZIÆ,**
NUNC DENATÆ
ac ad d. 16. Dec. M DC LXXXII.
SEPULTÆ
SACRAM ESSE JUBET
CHRISTOPHORUS FRIDERICUS â GERSDORF.
ZITTAVIÆ,
TYPIS MICHAELIS HARTMANNI.

SIC eunt hominum Fata,
MATER post FILIAM moritur,
& tamen nimis subitò moritur:
Quae in funere FILIÆ lacrymas non experitur,
FILIOS ac NEPOTES habet in hanc Pietatem pronos.
Mori poterat,
quæ FILIAM expectabat spectandam in Cœlis:
Vivere poterat,
quæ tot Personis facta erat desiderabilis.
Cœlo videbatur digna,
quæ animo semper versabatur in cœlo:
Et terra cupiebat immortalem,
Ne deesset Virtutum cœlestium Exemplar.
Fortasse Mortem optaverat,
Quæ mortis nuncios agnoscebat Morbos:
Fortè nec vitæ ab jecerat cupiditatem,
Quæ Suorum gestiebat spectare progressus.
Mortua tamen est,
Quia cælum plura pollicebatur,
Ac in mundo jam vivebat Virtutum fama,
Quæ NEPOTIBUS valeret in Exemplum,
Extra sublimen Senectutis gradum posita
Laudem vel summæ Ætatis impleverat:
Animo pia,
Consilio constans & circumspecta,
Moribus Modestiam & Gravitatem professa,
Virginibus Exemplum,
Matronis documentum,
Ipsis Viris reliquit miraculum,
Singulis dolendi argumentum.

23
C.



Coeterum
Ex oculis nostris digressa
non luctum,
non exeqvias,
Sed Cultum & Memoriam reqvirit.

Fortunata fuerat,
Quæ ILLUSTREM FAMILIAM na&ta,
Illustria de suis non speraverat,
Sed certò promiserat.

Inde
hanc Felicitatem servabit in sepulchro,
Sibiq; destinari credet Virtutes,
Posterorum indole perficiendas.

Neq; Iepultam se putabit,
Quæ tum morietur demum,
Cum extingvetur Sangvis æternitate dignissimus.


Ita fluctuat nostra Pietas,
Ut in Exeqviis nihil cogitemus de Exeqviis,
ac in defuncto Corpore,
vivam admiremur Pulchritudinem.

Talia nobiscum in Pectore volvimus,
Talia nullibi dissimulamus,
Talia claro documento legantur in Lapide Se-
pulchrali,

ut qui legunt ea nobiscum,
Nobiscum simul admirantur & imitentur,
Possitq; Posteritas multiplicatis in monumento lau-
dibus,

Multiplicatam simul Virtutem in Terris demonstrare.

C.S.



C. S.
HIC SITA EST
MATRONA
VEL SI NOMEN NON ADJICIAS
NOTISSIMA.
SCITIS IN DEUM VERE PIAM?
HÆC FUIT:
NEMINI GRAVEM, OMNIBUS GRATAM?
HÆC FUIT:
SCITIS SUPRA SEXUM LAUDATAM
GENIO, INGENIO, CONSCIENTIA
FIRMAM?
HÆC FUIT:
NUNC QVAM NEMO IGNORAT,
NULLA NOSSE DESINET POSTERITAS,
QVÆ VIRTUTES IMITABITUR.
TU LECTOR
NISI HANC SCIS ET MIRARIS,
DIGNUS ES QVI NESCIAS,
INDIGNUS, QVI ADMIRATOREM HABEAS.
ILICET.

